

# NALUNAARUTIT - Grønlandsk Lovsamling

## Serie C-II

---

06 DEC. 2019

ISUMAQATIGIISSUT

Naalackersuisut, Finansministeriap aamma Sulinermik Inuussutissarsiu-  
teqartut Kattuffiata akornanni **napparsimanersiutit** pillugit isu-  
maqatigiissut.

---

### IMAASA NALUNAARSORSIMAFFIAT

Qupp.

§ 1	Isumaqatigiissummi pineqartut.....	2
§ 2	Napparsimanersiuteqartitsinerup aqunneqarnera.....	2
§ 3	Ullormusiqarnissanik pisinnaatitaaneq.....	3
§ 4	Napparsimaneq.....	3
§ 5	Ullormusiqarnissamik qinnuteqarneq.....	3
§ 6	Ullormusiat annertussusii.....	4
§ 7	Ullormusiqarnerup atorunnaarsinneqarnera.....	5
§ 8	Sulinermi akerleriinnerit sulinngiffeqarnerlu.....	5
§ 9	Ullormusiat killilernerat.....	5
§ 10	Utertitsineq.....	6
§ 11	Eqqunngitsunik nalunaaruteqarneq.....	6
§ 12	Aqqissuussinerup aningaasalersorneqarnera.....	6
§ 13	Piffissaq isumaqatigiissutip atuuffia.....	7

§ 1

**Isumaqatigiissummi pineqartut.**

Naalakkersuisut, Finansministeriap aamma Sulinermik Inuussutissarsiu-  
teqartut Kattuffiata akornanni SIK-p isumaqatigiissutaannut ill-  
uatungeriit akornanni isumaqatigiissuteqarfigineqareersunut allatullu  
napparsimanermik nalaani aningaasarsisinaanissaminnik isuman-  
naarivigineqangitsunut napparsimangersiuteqartitsinissamik kinguliini  
allassimasutut isumaqatigiissuteqartoqarpoq.

§ 2

**Napparsimangersiuteqartitsinerup aqunneqarnera.**

Napparsimangersiuteqartitsinermik aaqqissuussinermut qullersaavoq  
ataatsimiititaliaq Nuummi angerlarsimaffeqartoq, sisamanik ilaa-  
sortalik, illuatungaani S.I.K. illuatungaani pisortat sulisitsisut  
isumaqatiginninniartitaat tamarmik ilaasortanik marlunnik qinersis-  
sallutik. Pisortat sulisitsisut isumaqatiginninniartitaasa  
ilaasortatut qinigaata aappaa Namminersorlutik Oqartussani Isumagin-  
ninnermi Naalakkersuisoqarfiup pisortarissavaa.

Imm. 2. Napparsimangersiuteqartitsineq pillugu apeqqutini tamani  
ataatsimiititaliaq qullersaalluni oqartussaavoq. Aalajangiinerni  
amerlanerit isumaat atortassaaq. Taasinerit amerlaqatigiitsillugit  
ataatsimiititaliaq isumaqatigiissitsiniartartumik suleqateqalissaaq  
taassumalu taasinera aalajangiinermi malinneqartassalluni. Illua-  
tungeriit isumaqatigiissutigaat isumaqatigiissitsiniartartoq tama-  
tigut tassaasariaqartoq Kalallit Nunaanni landsdommeri.

Imm. 3. Ataatsimiititaliap aalajangiinerni inaarutaasumik aalaja-  
ngiinerupput eqqartuussivinnullu suliassangortinneqarsinnaanatik.

§ 3

**Ullormusiaqarnissanik pisinnaatitaaneq.**

Napparsimasoqartillugu ullormusiaqartitsisoqassaaq Kalaallit Nunaanni kommuneni, Namminersorlutik Oqartussani naalagaaffimmiluunniit napparsimasoqalersinnagu sap.akunneri 6-t kingulliit sivikinnerpaamik nal.akunnerini 40-ni sulisoqareersimappat, tassa pineqartoq napparsimalernermini Namminersorlutik Oqartussani, Tele Greenland A/S-mi, A/S Inissiaatileqatigiiffik INI-mi, naalagaaffimmi kommuneniluunniit suliffeqarpat.

Imm. 2. Sulisartog suliffimmi soraarsitaanermi kingornatigut ullup tulliani piffissap suliffiusup nalinginnaasup aallartinnginnerani napparsimalersoq naak soraarsitaareeraluaruniluunniit tamatumunnga tunngatillugu suli sulisutut naatsorsuunneqassaaq napparsimanersiuuteqartussaataallunilu, tamatumunnga piumasarineqartut naammassisimagunigit.

Imm. 3. Napparsimanerup nalaani soraarsitaaneq § 7 naapertorlugu napparsimanersiuuteqarsinnaanermut sunniuteqangilaq.

§ 4

**Napparsimaneq.**

Napparsimanermit sulisinnaajunnaarnermik kinguneqartumut ullormusiaqartitsisoqassaaq napparsimasoq piaaraluni imaluunniit mianersuaalliorujussuarluni nammineerluni napparsimalersimangippat.

§ 5

**Ullormusiaqarnissamik qinnuteqarneq.**

Napparsimalernermit kingusinnerpaamik ullut 9-t qaangiutsinnagit najukkami sulisut napparsimaneq pissutigalugu ullormusiaqarnissaq sulisitsisumut qinnuteqaatigineqassaaq.

Imm. 2. Qinnuteqarneq immikkut immersugassami ataatsimiititaliap § 2-mi taaneqartup akuersissutigisaani allanneqassaaq sulisit-sisumillu pineqartumit allagartalerneqassalluni tassani upper-narsarneqassalluni sulisitsisoq napparsimangersiuteqartitsinermik aqqis-suussinermut ilaasoq, napparsimasoq napparsimalernermini tassani sulisuusoq aamma napparsimasoq Kalaallit Nunaanni kommune-ni, Namminersorlutik Oqartussani, Tele Greenland A/S-mi, A/S Inissiatileqatigiiffik INI-mi imaluunniit naalagaaffimmi sap.akunnerini 6-ni kingullerni sivikinnerpaamik nal. akunnerini 40-ni sulisuusimasoq.

Imm. 3. Ullormit siullermit sulisinnaajunnaarfimmit napparsimangersiutit akiliutigineqartassapput. Sap.akunneranut tamakkiisumik suliffimmut (nal.akunneri 40) ullormut napparsimangersiutisissutigineqartassapput, sap.akunnerani nalinginnaasumik suliffiu-simasumi ullormut napparsimangersiutisissoqartassaaq. Isumaqatigiissutit naapertorlugit nalliuttut ulluinnartigoortut aningaasarsiffiussappata nalliuttoq ulluinnartigoortoq ullormusissutigitinneqassanngilaq.

## § 6

### **Ullormusiat annertussusii.**

Ullormusiat 1. april 2018 102,00 kr.-nik annertussuseqarput.

Imm. 2. Ullormusiat annertussusiat atuutsinneqassaaq aammattaq napparsimasoq napparsimalersinnani piffissami sivikillisami suligaluarpalluunniit.

Imm. 3. Ullormusiat annertussusissaattut aalajangersakkat isumaqatigiinniarnernut atatillugu taamaallaat allanngortinneqarsinnaapput.

§ 7

**Ullormusiaqarnerup atorunnaarsinneqarnera.**

Ullormusiaqartitsineq unitsinneqassaaq ullormi napparsimasup ajorunnaarluni suleqqilersinnaaffiani, naak ingerlaannarluni suleqqilinnigikkaluarpalluunniit, aamma peqqissinini nalunaarutiginnigkka-luarpaguluunniit. Ullormusialli tunniunneqaannartassapput pineqartoq suleqqilersinnaaffimmi kingorna allamukarluni katsorsartikkiartortariaqarpat, aqqutissaq sukkanerpaaq toqqaannartorlu atorlugu suliffimminut tikeqqinnissaa tikillugu.

Imm. 2. Ullormusiaqartitsisoqarsinnaavoq sivisunerpaamik sap.akunnerini 26-ni qaammatit tulleriit 12-t iluanni. Sulisinnaajunnaarneq ajutoornermik sulisilluni pisumik pissuteqarpat ullormusiaqarneq sap.akunnerinik 13-inik allanik sivitsorneqarsinnaavoq.

§ 8

**Sulinermi akerleriinnerit sulinngiffeqarnerlu.**

Suliumajunnaartoqartillugu suliffiilluunniit matuneqarnerisigut ullormusiaqartitsisoqassanngilaq.

Imm. 2. Ullut sulinngiffeqarnerarsiuteqarluni sulinngiffeqarfiit ullormusiasiffiussanngillat.

Imm. 3. Ullormusiat sulinngiffeqarnerassiutiginneqarsinnaanngillat.

§ 9

**Ullormusiat killilernerat.**

Napparsimanerup nalaani ullormusiat saniatigut aningaasanik ikiuutisiaqartoq akissarsiaqartorluunniit pilersuisuusimaguni napparsimalerneramik nalunaarnerup siornatigut sap.akunnerini 4-ni akissarsiarisimasat qaangiuttoornerarsiartaqanngitsut 90%-tii sinnerlugit ul-

lormusiaqarsinnaangilaq, pilersuisuusimanngikkuni napparsimalerneramik nalunaarnerup siornatigut sap.akunnerini 4-ni ullormut akissarsiat qaangiuttoornerarsiartaqanngitsut 80%-tii qaangersimassanagit. Taamaattorqarsimappalli ullormusiat peerneqarlutilluunniit ikilisinneqassapput, killissarititanik qaangiissanngimmata.

## § 10

### **Utertitsineq.**

Napparsimasoq akissarsiassaagaluaaminut annaasanut taartisiaqarpat imaluunniit eqqunngitsunik tunngaveqarluni ullormusiaqarpat ullormusiatut tunniunneqarsimasut sulisitsisumut utertinneqassapput, sulisitsisup tamanna isumagissavaa sulisup akissarsiaanit ilanngaasinikkut.

## § 11

### **Eqqunngitsunik nalunaaruteqarneq.**

Ullormusianik piniarlutik eqqunngitsunik nalunaaruteqartut politinut nalunaarutigineqartassapput. Taamatuttaaq eqqunngitsunik nalunaaruteqarnerup sulisumut kingunerisassavaa § 2-mi ataatsimiititaliap taaneqartup erseqqinnerusumik aalajangersaaneratigut ikiorneqarsinnaajunnaarneq.

## § 12

### **Aqqissuussinerup aningaasalersorneqarnera.**

Ullormusiaqartitsineramik aqqissuussinermut atatillugu aningaasartuuteqartarnermut aningaasat ullormut 102,00 kr.-it sulisitsisunit akiliutigineqartassapput.

§ 13

**Piffissaq isumaqatigiissutip atuuffia.**

Isumaqatigiissut manna 1. april 2018 atuutilerpoq. Isumaqatigiissut qaammatinik 3-nik sioqqutsisumik ilisimatitsilluni 31. marts illuatungeriinnit tamanit atorunnaarsinneqarsinnaavoq, siusinnerpaamilli 31. marts 2022.

Nuuk, ulloq **06 DEC. 2019**

Sulinermik Inuussutissarsiuqartut  
Kattuffiat n.s.

  
\_\_\_\_\_  
Jess G. Berthelsen

Naalakkersuisut

  
\_\_\_\_\_  
André Steenholdt-Guttesen

Finansministeriet  
P.M.V.  
e.b.

---

*Taamaalilluni isumaqatigiissut 14. November 2014-imeersoq atorunnaarpoq.*